

THE UNITED REPUBLIC OF TANZANIA  
NATIONAL EXAMINATIONS COUNCIL  
CERTIFICATE OF SECONDARY EDUCATION EXAMINATION

021

KISWAHILI  
(Kwa Watahiniwa Wasiokuwa Shuleni tu)

Muda: Saa 3

Jumanne, 05 Novemba 2013 mchana

**Maelekezo**

1. Karatasi hii ina sehemu A, B, C, D na E.
2. Jibu maswali **yote** katika sehemu A, B na D, swali **moja (1)** kutoka sehemu C na maswali **matatu (3)** kutoka sehemu E. Swali la **15** ni la lazima.
3. Zingatia maelekezo ya **kila sehemu** na ya **kila swali**.
4. Simu za mkononi **haziruhusiwi** katika chumba cha mtihani.
5. Andika **Namba yako ya Mtihani** katika kila ukurasa wa kijitabu chako cha kujibia.

maktaba.tetea.org



Ukurasa wa 1 kati ya kurasa 5

Mtihani huu na mitihani mingine inapatikana kwenye tovuti yetu: <http://maktaba.tetea.org>

**SEHEMU A (Alama 10)**  
**UFAHAMU**  
Jibu maswali **yote** katika sehemu hii.

1. Soma shairi lifuatato kisha jibu maswali yanayofuata:

Ima mwana wende kasi, ima usirudi nyuma  
Ima ukwepe sabasi, ima ukipite kima  
Ima ujivike lasi, ima ndiyo taadhima  
Ima mwanakwetu ima, dunia ni sarakasi.

Ima kasema **mkwasi**, ima uende kulima  
Ima njaa sikughasi, ima mgongo inama  
Ima wepuke uasi, ima upate usalama  
Ima mwanakwetu ima, ima ndipo utapasi.

Ima ndipo **utapasi**, ima mwanakwetu ima  
Ima ujiunge nasi, ima tuujenge umma  
Ima usile najisi, ima ule cha kuchuma  
Ima mwanakwetu ima, ima emaye hakosi.

Ima emaya hakosi, ima **jikalifu** ima  
Ima upweke tatasi, ima wewe na Mwajuma  
Ima yoyomea kusi, ima usiuye nyuma  
Ima wa ima faima, ima upate fulusi.

Ima wmanakwetu basi, ima usende kinyuma  
Ima kazi ni **libasi**, ima inama kulima  
Ima wacha udadisi, ima nakwambia ima  
Ima usikae ima, kama kuishi wahisi.

**Maswali**

- (a) Eleza maana ya maneno yafuatayo kama yalivyotumika katika shairi ulilolisoma:
- (i) Mkwas
  - (ii) Utapasi
  - (iii) Jikalifu
  - (iv) Libasi
- (b) Kwa kutumia sentensi tatu (3), fafanua ujumbe wa mwandishi katika shairi hili.
- (c) Msanii ana maana gani anaposema “Ima mwanakwetu ima, dunia ni sarakasi.”
2. Soma kifungu cha habari kifuatacho kisha fupisha habari hii kwa maneno hamsini (50).

Kijana anahitaji kuwa na rafiki ili aweze kuondokana na ukiwa pia ili aweze kupata faraja. Aidha hayo yatajitokeza kwa sababu atafahamiana na marafiki hao, vilevile atazoeana nao hasa kwa kuitia maongezi. Kijana huweza kupata marafiki popote, kwa mfano mionganoni mwa majirani zake, shulen,

kazini, sehemu za ibada na hata awapo safarini. Lakini kijana anapaswa kuwa mwangalifu katika kuchagua marafiki.

Katika makuzi yake kijana huwa karibu sana na rafiki zake ambao kwa kiasi kikubwa huwa na nguvu na ni rahisi kwa rafiki kuambukizana tabia ambazo zaweza kuwa nzuri au mbaya. Kwa hiyo ni jukumu la wazazi kumwelekeza kijana na kumshauri kuhusu ni yupi hasa rafiki mwema. Ni heri kukosa rafiki kuliko kuwa na rafiki mlevi, mwongo, mwizi, mvivu, mvuta bangi au mtumiaji wa dawa za kulevyta. Rafiki mzuri ni yule mwenye tabia njema na busara ambaye hutoa ushauri mzuri unaoweza kumsaidia mtu kupata mafanikio katika maisha.

**SEHEMU B (Alama 25)**  
**SARUFI NA UTUMIZI WA LUGHA**  
Jibu maswali **vote** katika sehemu hii.

3. Kwa kuzingatia tungo ulizopewa, bainisha aina za maneno yaliyopigiwa mstari:
  - (a) Juzi tulishiriki maandamano ya amani.
  - (b) Kucheza kwake kunaburudisha.
  - (c) Kijana mlevi amepata ajali.
  - (d) Hamisi alikuwa amekwisha kwenda kulima.
  - (e) Wale vikongwe wamepata msaada.
  - (f) Mawazo hayo si yangu.
  - (g) Sitakwenda kwake asilani!
  - (h) Amekwenda kazini ijapokuwa ni mgonjwa.
  - (i) Hiki kitawekwa ukumbini.
  - (j) Mbuzi amekwisha kata kamba.
4. Uganisha tungo zifuatazo kwa kutumia O-rejeshi:
  - (a) Mafisadi wamekamatwa. Mafisadi wamefikishwa mahakamani.
  - (b) Kitabu kimenunuliwa. Kitabu kipo kabatini.
  - (c) Mfadhilli amepatikana. Mfadhilli mkarimu sana.
  - (d) Hukumu imetolewa. Hukumu ni ya haki.
  - (e) Mahali pameandaliwa. Mahali hapatoshi.
5. Bainisha kauli zinazowakilishwa na vitenzi vilivyotumika katika sentensi zifuatazo:
  - (a) Refa alichezesha mechii vizuri.
  - (b) Mtoto amevunjwa mguu.
  - (c) Wanafunzi wanosomeana kitabu.
  - (d) Mafuta yamemwagika.
  - (e) Walevi wanapigana kilabuni.
  - (f) Mtoto analia sana.
  - (g) Babu alisomewa kitabu.
  - (h) Dada anampikia mtoto uji.
  - (i) Kaka alimtuliza rafiki yake.
  - (j) Gazeti linasomeka vizuri.

6. Vishazi tegemezi hufanya kazi ya vivumishi viwapo katika tungo. Onesha ukweli wa kauli hiyo kwa kutumia mifano minne ya sentensi.
7. Toa maana ya kamusi kisha fafanua sehemu kuu tatu zinazounda kamusi.

**SEHEMU C (Alama 10)**  
**UANDISHI**  
Jibu swalii **moja (1)** kutoka sehemu hii.

8. Wewe ni Kiranja Mkuu wa Shule ya Sekondari Kazamoyo iliyoko Tanga, jina lako Uwezo Jitihada na unasoma kidato cha nne. Andika barua kwa Mkuu wa Shule ukiomba ruhusa ya kuhudhuria semina ya uelimishaji rika takayofanyika tarehe 10/11/2013 katika Shule ya Sekondari Tutafika iliyoko Moshi. Barua yako ipitie kwa Mwalimu wa Darasa.
9. Jifanye wewe una elimu ya kidato cha nne, jina lako Situmai Kasheshe unayeishi kijiji cha Songambale kilichopo wilayani Mpanda. Tumia taarifa zilizomo kwenye tangazo lifuatato lililotolewa kwenye gazeti la Mwananchi la tarehe 01/12/2013 kuandika barua ya maombi ya kazi.

**TANGAZO LA NAFASI YA KAZI**

**Kazi:** Karani Masijala

**Sifa:**

- Awe amehitimoo kidato cha nne na kufaulu masomo ya Kiingereza na Hisabati
- Awe na umri usiozidi miaka 35
- Awe Mtanzania
- Awe na ujuzi wa kompyuta

Barua ya maombi iambatanishwe na nakala za vyeti na itufikie kabla ya tarehe 15/12/2013.

Maombi yote yatumwe kwa:

Afisa Mwajiri

Kampuni ya Kutengeneza Masufuria

S.L.P 600

KATAVI.

**SEHEMU D (Alama 10)**  
**MAENDELEO YA KISWAHILI**  
Jibu swalii la **kumi (10)**

10. Kwa kutumia hoja tano zenye mifano, eleza kwa kifupi mchango wa wamisionari wa kikristo katika kueneza lugha ya Kiswahili nchini Tanganyika kabla ya uhuru.

**SEHEMU E (Alama 45)**  
**FASIHI KWA UJUMLA**

Jibu maswali **matatu (3)** kutoka katika sehemu hii. Swali la **15** ni la lazima.

11. Kwa kutumia mifano, fafanua dhana zifuatazo kama zinavyotumika katika fasihi:
  - (a) Tashibiha
  - (b) Takriri
  - (c) Sitiari
  - (d) Tashihisi
  - (e) Tanakali sauti
  - (f) Tasfida
12. “Mtunzi wa mashairi huibua malalamiko ya kundi la wasionacho.” Fafanua kauli hiyo kwa kutumia hoja tatu kutoka katika kila diwani kati ya diwani mbili ulizosoma.
13. “Mapenzi ya dhati huleta faraja mionganoni mwa wanajamii.” Tumia hoja tatu kutoka katika kila riwaya kati ya riwaya mbili ulizosoma kuonesha jinsi wahusika wake walivyofarijika na mapenzi ya dhati
14. Onesha kufaulu kwa dhamira za msanii kwa kutumia hoja tatu kutoka katika kila tamthiliya kati ya tamthiliya mbili ulizosoma.
15. Eleza maana ya ngano kisha tunga ngano yenye maneno yasiyopungua mia tatu (300) na yasiyozidi mia nne (400).

**ORODHA YA VITABU**

**Ushairi**

Wasakatonge	-	M.S. Khatibu (DUP)
Malenga Wapya	-	TAKILUKI (DUP)
Mashairi ya Chekacheka	-	T.A Mvungi (EP& D.LTD)

**Riwaya**

Takadini	-	Ben Hanson (MBS)
Watoto wa Maman’tilie	-	E. Mbogo (H.P)
Joka la Mdimu	-	A.J. Safari (H.P.)

**Tamthiliya**

Orodha	-	Steve Reynolds (MA)
Ngoswe Penzi Kitovu cha Uzembe	-	E. Semzaba (ESC)
Kilio Chetu	-	Medical Aid Foundation (TPH)